

# **Nauatlajtoli**

**Lengua náhuatl**

**Guerrero**

*Primer grado*



**NOMBRE DEL ALUMNO (A)**

## **ESCUELA**                                   **GRUPO**

## POBLACIÓN

## **ENTIDAD FEDERATIVA**

Este libro de texto ha sido elaborado por el Gobierno de la República y se entrega en forma gratuita a los niños de las escuelas primarias del país.

Los juicios y opiniones de los maestros, de los padres y de los alumnos son muy importantes para mejorar la calidad de este libro. Sus comentarios pueden ser enviados a la siguiente dirección:

COMISIÓN NACIONAL DE LIBROS DE TEXTOS GRATUITOS

Rafael Checa núm. 2 col. Huerta del Carmen  
C.P. 01000, México, D.F.

Las obras de arte que ilustran las cubiertas de los libros de texto gratuitos son representativas de las grandes etapas del arte mexicano. Constituyen un valioso respaldo educativo y son motivo de orgullo nacional.

SEP

Libro de texto en lengua náhuatl, Guerrero.

Elaborado en la Dirección General de Educación Indígena de la Subsecretaría de Educación Básica de la Secretaría de Educación Pública

Autores

Marciano Cervantes Rodríguez Gonzalo Rojas de Jesús  
Marcos Cervantes Herrera y Benito Cisneros Cervantes

Ilustración

Luis Vera Mejía, Beatriz E. Gutiérrez Girón y Enrique Puebla

Diseño

Dante A. González Yedra e Irving N. Bringas González

Fotografía

Archivo Iconográfico de la Dirección General de Educación Indígena  
y Porfirio Cadillo

Diseño de Portada

Comisión Nacional de Libros de Texto Gratuitos  
con la colaboración de Luis Almeida

Ilustración de Portada

“Vendedora de frutas”, Olga Costa (1913-1993)

Óleo sobre tela, 1951, 195 x 245 cm.

Museo de Arte Moderno, INBA, CNCA

Reproducción autorizada por el

Instituto Nacional de Bellas Artes y Literatura

Fotografía de Portada

Javier Hinojosa

D.R. © Ilustración de Portada: Olga Costa /INBA

D.R. © Secretaría de Educación Pública, 1993

Argentina No. 28

Col. Centro, C.P. 06029

México, D.F.

**ISBN 978-970-18-3809-9**

Primera edición 1999

Décima tercera reimpresión 2013

Impreso en México



*La Patria* (1962),  
Jorge González Camarena.

Esta obra ilustró la portada de los primeros libros de texto. Hoy la reproducimos aquí para que tengas presente que lo que entonces era una aspiración: que los libros de texto estuvieran entre los legados que la Patria deje a sus hijas y a sus hijos, es hoy una meta cumplida.

**A** seis décadas del inicio de la gran campaña alfabetizadora y de la puesta en marcha del proyecto de los libros de texto gratuitos, ideados e impulsados por Jaime Torres Bodet, el Estado mexicano, a través de la Secretaría de Educación Pública, se enorgullece de haber consolidado el principio de la gratuidad de la educación básica, consagrada en el Artículo Tercero de nuestra Constitución, y distribuir a todos los niños en edad escolar los libros de texto y materiales complementarios que cada asignatura y grado de educación básica requieren.

Los libros de texto gratuito son uno de los pilares fundamentales sobre los cuales descansa el sistema educativo de nuestro país, ya que mediante estos instrumentos de difusión del conocimiento se han forjado en la infancia los valores y la identidad nacional. Su importancia radica en que a través de ellos el Estado ha logrado, en el pasado, acercar el conocimiento a millones de mexicanos que vivían marginados de los servicios educativos y, en el presente, hacer del libro un entrañable referente gráfico, literario, de conocimiento formal, cultura nacional y universal para todos los alumnos. Así, cada día se intensifica el trabajo para garantizar que los niños de las comunidades indígenas de nuestro país, de las ciudades, los niños que tienen baja visión o ceguera, o quienes tienen condiciones especiales, dispongan de un libro de texto acorde con sus necesidades. Como materiales educativos y auxiliares de la labor docente, los libros que publica la Secretaría de Educación Pública para el sistema de Educación Básica representan un instrumento valioso que apoya a los maestros de todo el país, del campo a la ciudad y de las montañas a los litorales, en el ejercicio diario de la enseñanza.

De esta forma, el libro ha sido, y sigue siendo, un recurso tan noble como efectivo para que México garantice el Derecho a la Educación de sus niños y jóvenes.



# **Nauatlajtoli**

*Lengua náhuatl  
Guerrero*

*Primer grado*



## PRESENTACIÓN

Este libro de texto está dirigido a las niñas y los niños indígenas que cursan la educación primaria, tiene el propósito de favorecer el aprendizaje de la lectura y la escritura de la lengua indígena que se habla en su comunidad.

Se espera que este libro sea utilizado en forma creativa, tanto por el profesorado como por las niñas y los niños, en este ciclo escolar y los subsecuentes, para dar respuesta a los problemas particulares que se presenten en el desarrollo de la expresión escrita y la comprensión lectora.

En el libro se encuentran diferentes textos, algunos hablan del entorno físico de los alumnos, objetos y cosas que hay en la comunidad, y otros se refieren al entorno social y cultural, pues relatan las costumbres, fiestas y leyendas de la región.

Su elaboración estuvo a cargo de profesores indígenas bilingües con experiencia en la enseñanza de su lengua materna así como con profundo conocimiento de la cultura de sus comunidades. Para la redacción, los autores consideran el enfoque comunicativo propuesto en el *Plan y Programas de Estudio para la Educación Primaria 1993*.

Este libro de texto podrá ser enriquecido a partir de las observaciones y consideraciones que profesores, padres de familia, comunidades y organizaciones civiles indígenas realicen acerca del lenguaje utilizado, los contenidos, las ilustraciones, el formato y la presentación.

## **TEIXPANTILE**

In amochtle ipan momachtiske kokonetsitsin tlajtouaj nauatl, akin momachtiyaj pan se xiuitl uan chantij nikan toyoatlaltikpak.

Yatikmatij in totlajtol naustl miyek pajpatitok pampa onkatej miyekej kalpajme; noijki kuale pampa ijkon tikmiyekiliyaj uan kachi kuale tikyektlaliyaj totlajtol uan nochi tlen tejuame totlaneltokilisuan, kachi kuale tikyekchiuaj.

Seki tlen ikuilojtok ipan in amochtle okitetlakechilijke tetajmej uan okikuilojke sekimej tlamachtijke. Tlen ikuilojtok pan in amochtle tiknekij kuale makajxilikan kokonetsitsin kenon kuale tlajtoske, tlajkuiloske uan tlakuikaske ika totlajtol nauatl.

Uan tlen nikan yotikikuilojke kisa itech se amochtle kitokayotiyaj ika kixtianoj tlajtote “Planes y programas 1993” tlen okajchin ueyi tekuaj onka kampa “Secretaría de Educación Pública”.

Xueles tamechiliske keniji tekichiucaske pampatlamachtijketl uelis kitemolis kenon kachi kualtsin tekipanos uan kimixtlapos kokonetsitsin.

Moneki nochtin tetajme matlapaleuikan keniji kuale tlasaloske kokonetsitsin uan ijkon totoka kajxiliske miyek nemachtilismej.

Tlen ipan toma tikpiyaj amochtle touaxka, tiknekij uan katinochtin tikektlaliske kampa nankitaj amo kuale.



- 10.-ATLITAC**
- 19.-COPALILLO**
- 45.-OLINALA**
- 24.-CUALAC**
- 74.-XITLALA**
- 69.-XALPATLAHUAC**
- 28.-CHILAPA DE ALVAREZ**
- 59.-TEPECOALCUILCO  
DE TRUJANO**
- 66.-TLAPA DE COMONFORT**
- 42.-MARTIR DE CUILAPAN**
- 20.-COPANATOYAC**





# Í N D I C E

## **SE SETILISTLE: Teixmatkamej**

Noteixmatkauan .....	13
Notooka Amelia .....	21
Ijkin icha María .....	27
Kalpan Ostotitlan .....	35
Tekuanimej .....	40
Ijkin Omoxexti ijkachito .....	44
Nemilistlajtoyotl .....	54

## **OME SENTILISTLE: kalpan**

Kalpan .....	59
Tololapan.....	68
Tototsintli .....	72
Tlajmatketl .....	79
Xochimilko yaejka kalpantsin.....	84
Kuali tlaixpolijtok.....	90
Tata Nacho.....	95


## **YEYI SENTILISTLE: Tlalnemiyán**

Ichán Manuela.....	107
Aseskaj.....	115
Ilnamililistli.....	120
Tlakayotl uan chikaualistli.....	129
Tlapajtilxijmej.....	137
Iluij mile.....	140
Tikpatlaj llaltikpaktli.....	144

## **NAUI SENTILISTLE: Nauaixmachiyolt.**

Siuailuitl.....	149
Tlatomilistli.....	162
Ueuejtlajtoli .....	172
Tlakuikale.....	188











## Noteixmatkauan

Nejua nikpiya notajtsin,  
itooka Antonio.  
Nonantsin itooka Ana,  
nejua notooka Abel.  
Noijki nikimpiya nokniuan,  
tinochtin kuale timotlasojtla.


# Tlenon kichiujaj teixmatkamej



siuatl



tlakatl



konetl



Ichpochtli

-ximotlakechilikan tlenon kichiujaj pan in tlaixkopinalmej nestokej.

**-Kuale xikitakan tlenon okse tekitl kichiujaj siuamej,  
tlakamej ichpokatsitsinte uan kokonetsitsinte  
-Ximotlakechilikan tlen onankitake.**

# tokayomej

-Xikimixeua moteixmatkauan uan mamitspaleuikan  
xikijuilo intokayouan.

Notajtsin itooka \_\_\_\_\_

Nonantsin itooka \_\_\_\_\_

Nejua notooka \_\_\_\_\_

Noknin ichpochtli \_\_\_\_\_

**xikita tlen kichiua uan xikimajxilti  
tlajtolpamimej.**



Notajtsin


\_\_\_\_\_



Noknin kinmaka

\_\_\_\_\_ polokomej

Nejua nikololaua



atl

nanakatl

ayojtli

tlaxotla

**-Xitlaketsakan iuan noteixmatkauan nochitlen  
tikinmita ipan tlaixeualmej uan xikijtokan tleneka  
ijkon kichiua.**



Nikan xikimijkuilo tokayomej tlen kuikaj pamitl itooka Aa.

A

---

---

---

a

---

---

---

Xikintlajtotli moteixmatkauan tlenon oksekimej tlajtolmej kate noijki ikuilojtoke kejuan tlakpak katej uan xikinmijkuilo:

---

---

---



## Notooka Amalia

Nikpiya notlajtlatsi uan noauitsin,  
nojki oknikimpiya nosijtsi uan nokojkolsin.  
Chantij ichan nomactouan,  
kemantika tikimontlamaka ika pakte.

**Xikintlajtolti motajuan, mokojkoluan, moauitsin  
momactouan uan tleneka ijkon motokayotiyaj.**

## Keskimej teixmatkamej

Ximotlalnamikti kuale akinon machijke moteixmatkauan uan xikinmixeua kampa mitstlajtlaniliyaj.

nosijtisin

Nosijtisin itooka

nokojkoltsin

Nokojkoltsin itooka

notlajtlatsin

Notlajtlatsin itooka

nouaitsin

Noauitsin itooka

Se telpakatl

se ichpokatl

se pipiltsin

Nomachtouan intoka \_\_\_\_\_

## Xikinmikuilo tokayomej

siuamej

---

---

---

tlakamej

---

---

---

keskimej siuamej \_\_\_\_\_

keskimej tlakamej: \_\_\_\_\_

Xikinmili motajuan mamitspaleuikan xikinmikuilo  
ipan moamatlajkuilol itokauan mokojkoluan uan

## Tlanenextilmej


Tlamemetsinotl  
tlamemetsinotl,  
tlenon kaelipan,  
katonali tanochikoketsa tsajtsi.  
(kaxtil)



Tlamemetsinotl  
tlamemetsinotl,  
tlenon nemi ipan se tepetl,  
tlaluis sakayo uan kojyo,  
uan ixki piya omitl.  
(atemiti)



Tlamemetsinotl  
tlamemetsinotl,  
tlenon yolkatsin  
kimakasi matlaxkaloli.  
(troyom)



Tlamemetsinotl  
Tlamemetsinotl,  
tlenon yolkatsin  
kechtajtapalektik uan ixkimpia  
sauamej, yakatolpikak uan  
ixki piya tsompile.  
(nējxolotl)

**-Xitetlajjtolti tla katej oksekimej tlanenextilmej uan  
xikintlakechili moteki ikniuan.**

## **Yolkamej**

Tejua tикинmixmati miyek yolkamej.  
Xikisakan kiyaуak uan xikinmijitakan kuale.

Nikan xikinmixeua yolkame  
tlen tikinkua uan techpaleuiya.

Nikanxikinmixeua yolkamej  
tlen techkokolismakaj.



Xikinmijkuilo itokauan



Xikinmijkuilo itokauan



### **Iuan motekiikniuan xikijtokan:**

- Kenon nankichiуaske tla amo nankineki nankokolisiuske.
- Kenon timopajtis tla yotimokokolismakak.
- Xikijto katlejuame yolkamej patlanij.
- Xikijto katlejuame yolkamej nejnemij pantlali.

**-Xikintlachili, xikinteteki uan xikimpepecho ipan  
moatlajkuilol on yolkmej tlen patlanij uan sekime  
tlen nejnemi noso moteuilanaj.**


## Xitlajxilti

Xikintlalili in yolkame tlen kimpoloua pan  
intlakayo.



Ximotlakechilikan iuan moteki iknuan, in yolkamej  
kenojon chantiji tlenon kikuaj, katlejuamej uelkej,  
katlejuamej tekuanij noso techpaleuiyaj pan totekij.

## Motelana okuili



**Xikinmajxilti in tlajtolpamimej ika on tlajtolme nestoke ipan okuili.**

Se poloko kimamalтияj \_\_\_\_\_

Se chichi kitlajpiяa \_\_\_\_\_

Se kimichij kikua \_\_\_\_\_

Se kolotl temoјti \_\_\_\_\_

Se tototl temoјti \_\_\_\_\_

Se tototl uejkapa \_\_\_\_\_


Se akakuanaka maliya ijtek \_\_\_\_\_

**-Aman xikikuilo nikan tlenon okseki tlemach kichiуaj in yolkamej.**

Xikixeua ipan moamatlajkuilol se yolkatl tlen tejua kachi tikuelita, xikikuiluili itooka uan tlenon kichiua.

## Ijkin ichan María

María kipiya kuakualtsin ichan,  
itepankal kualtsin yokistali;  
iyaualijyan nemij chitomej, pitsomej,  
kuakuejti, chichimej uan miyek kuanakamej.  
Nochipa kuakualkantsin, María kintlamaka  
piyotsitsin, pitsotsitsin uan totoltsitsin.



## **Xikixeua uan xitlapalolti se kale ken tejua tikuelitas**



### **Ijkin nochan**


-Xikintlakechili motekiikniuan tlénon mach onka ijtek mochan.

-Tlénon mach onka ixpan mochan.

-Tlénon mach onka mokalkuitlapa.

-Tlénon mach onka ipan mochan.

## Xikajxilti tlen kipoloua Xikinmajxilti in tlaixeualmej tlen kipoloua.



Xikintlajtolti motajuan uan xikinmikuilo ipan moatlajkuilol:



-Tlenon ika okinmajchijke on tlemach tlakpak katej.

- Kanon kinkuij

-Akinon kinmajchiua uan kenikki kinmajchiuaj



## Xitlamauiso

Xikintlakechili motekiikniuan tlen tikita nikan ipan tlaixeuale.



Aman oke tejua xiknemili kenon tlakati uan moskaltiya se chito.

## Xitlaixeua



## Tlenon techmakaj yokamej

Xiksetili ika se teteuantli in yokame tlen techmaka tlakuale uan tlajtlen okse teln tikanaj.



Iuan moteki ikni uan xitloketakan tlenon okseki  
techmakaj in yokamej. Xikijkuilokan ipan amatlajkui

## Matimauiltikan

Nochtin amejuame ximixtsajtsakuakan.

- Sekimej matsajtsikan kejuan chitomej.
- Sekimej matsajtsikan kejuan kuanakamej.
- Sekimej matsajtsikan kejuan pitsomej.
- Oksekime matsaktsikan kejuan polokomej.

Ximonenextikan uan kuak  
yonanmonechikojke, ximixtlajtlapokan.



Akin onanmonechikojke, ximotlakechilikan tlenon kikuaj in yolkamej,

kanon kochij uan xikintlakechilikan oksekime motekiikniuan.

## Xitlajkuilokan

Kuanaka kochi ipan \_\_\_\_\_ uan kikua \_\_\_\_\_

Pitsotl kochi \_\_\_\_\_ uan kikua \_\_\_\_\_

tochtli kikua \_\_\_\_\_ uan kochi ijtek \_\_\_\_\_

michij kikua \_\_\_\_\_ uan kochi ijtek \_\_\_\_\_



# Xikijtowan kenikki onankimachilijke kuak onamixtsajtsake uan onan nejnenke.



- Xikijto kenon otikintenkak in yolkamej.
- Aman tlaxtitlakakiskiya kenon tikintenkakiskiya
- Uan tlaxtitlachiaskiya kenon tikmatiskiya tlenon yolkamej katej.

- Ximonechikokan ika najnauime uan Ximotlakechilikan kenikki nankinke tsajtsij on yolkamej.

On chichi kichiua...

On miston kichiua...

On uejxolotl kichiua...

# Nikan xitlajkuilo

Xikinmijkuilo tlajtolmej  
tlen kuikaj ken  
tsajtsi akuanaka.  
(kua, kua, kua)

Nikan xikinmijkuilo  
tlajtolme tlen kuikaj  
Ken tsajtsi chichi  
(uan, uan, uan)

**touan**

Nikan xikinmijkuilo  
tlajtolme teln kuikaj  
ken tsajtsi uejxolotl  
(kol, kol, kol)

**kolotl**

Nikan xikinmijkuilo  
tlajtolme tlen kuikaj  
ken tsajtsi miston  
(miau, miau, miau)

**miauatl**





## Nokalpan Ostotitlan

Ochantik se tlakatl itooka Odilón,  
uan isiua itookakatka Agustina,  
okimpixke yeyime inkoneuan,  
uan yankuiyotl okitokayotijke  
Orlando, ompa otlakat Odilia.

Uan xokoyotl okitokayotijke Andrés,  
on Orlando uan Odilia ikiske  
yaj tekipanoani, nochí okaxilijke  
teln okimititijke, otetlakamatke,  
uan in xokoyotsin okis tlauis tlatsijki,  
xotetlakamat nimaj oyajki uejka ompa omik.


# Tlenon ika kajchiuaj kale

Xisetili ika se teuantle iuan kale

**una xikikuilo kenijki katej in ixvealmej.**



okotl



tetl



kali



kojtli



ojtlatl



xamitl



sakatl

## Aman xitlajkuilo

Nikan xikinmijkuilo  
on tlajtolmej tlen  
kuikaj (Oo)

Nikan xikinmijkuilo  
on oksekimej tlajtolmej.

-uan moteki ikniuan ximauiltikan ximauiltikan uan  
xikijtokan Tlaitolmej tlen ika peuaj tlajkuilote “o”  
-Tlajtolmej tlen ika tlamij “o”  
Tlajtolmej teln kuikaj tlatlajko “o”

Ika on tlajtolme tlen kuikaj (Oo), xikinmajxilti in  
tlajtolpamimej.

Nonantsin tlatlatiya ika \_\_\_\_\_



Notlajtlatsi kajchiua chikiuitl ika \_\_\_\_\_

techmaka tlaseualotl  
okajchijke ika sokitl

Nikan xikixeua tlen kijtouaj tlajtolpamimej

**Xikinmiita in tlaixeualme uan xikijto  
kenon opejkejkinmajchiuaj in kalmej.**

**Tla xitikmati xitetlajtolti**



**- Xikixeua tejua mokal ken tikuelitas.**

**Xikimikuilo intookaua on ixeualme  
uan kampa xitlaj onka xikimixeuj  
ijte kolalko tlen mitstlajtlanilia.**



okotl



olotl



okuilli



- Xikintlakechili moteki ikniuan tlenon tikmati kichiuj in tekuanimej.
- Xikintlojtolti motajuan kan kuikuij okotl, olotl uan ojlatl.
- Xikintlakechili moteki ikniuan tlen eka kuale tikintlajpiyaske kojme.

## Tekuanimej

Kualk iluitl nokalpan, mijtotiyaj tekuanimej.  
Se ueuentsin tlapista ika akatlapitsale uan  
kikakalatsa se tatampoltsin.  
Miyek tekunimej mijtotiyaj uan techyolpaktiyaj.



Xikintlokechili moteixmatkauan uan xikintlajtolti:

- Tleneka mijtotiya
- Tlenon kijtosneki kuak mijtotiyaj.
- Akinon machijke mijtotiyaj

## Ximijtotikan

- Ximotlakechilikan kenon mijtotiyaj on tekuanimej uan ximijtotikan.

-Xikinmajchiuakan mokajxayakauan ika amatl.




## oselotl


-Xikijto tlenon okseki tlajitotilme tikinmixmati.



**Oksekimej tlajtolmej tlenika peuaj  
itooka on yokatl oselotl.**



ome



ouatl




ome



okomej

- Mamitspaleuikan motajuan noso mokniuan y  
kikintlachilikan tlenon okseki katej omeme.

**Xiksetili ika se teuantle chichiltik se tlajtolpamitl iuan se tlajtole uan xikijuilo ijtek kokolatsin.**



Itech sentli kisa

omitl



Itech nakatl kisa

Olotl

Ipan tepeyoj nemij yolkamej kejme



okuilin



Se ichpoichhpokatl kikua


tekuani

## Ijkin omonexti ichkachito.

Se tonale katka, ueuentsin itooka ijkoueue oksankuel omejki uan okijto.- Manikuiti ichkatl, ika nikajchiuas notlaken. Ijkon ijkoueue okixilejti se popolokotsin uan okuikak kuauijtik tlen ika kualikas ichkatl.



Ueuentsin ipa poloko okinekpachoj miyek ichkatl aun kalpan, okilpi popolokotsin uan okalak ichan; kuak okiski kitlatemouilis, okitak on popolokotsin yomokuep ichkachito.

Kijtouaj seki maseualmej ijkon omonexti on yolkatsin tiktokayotiya ichkachito.



# Xikitakan uan xikijtokan tlenon ika kajchiuaj totlaken.

- Xikimiitan in tlaixeualmej uan ximotlakechilikan tlenon okse ika kajchiuaj tlakemitl.



- Xitlaketsakan tla nochí tlakemej ajchijtoke ika ichkatl.

- Tlenou kajchiuaj ika itsojmiyo ichkachito.

- Xikintlajtolti motajuan uan mokniuan kanon iksekan kikuij on ichkatl.

# In tlajtolme xikinsetili ika se teuantli uan tlaixeuale.


Ixpatl



Ichtli



Ijuitl



Ichkatl



Xikinteteki uan xikinsalo ipan moamatlajkuilol okseki tlemach tlen ajchijtoke ika ikpatl ichtle, ijuitl uan ichkatl.


## Tlajtolmalinali

ka ichakatl nimotlakentiya  
kemaniyan ika ichtli,  
ichkatl uan ichtli ika  
nimopaleuiyamaski  
niueue ni okichtli.




Kuak onka iluitl  
nojki onka ijuitl,  
uan kampa ijuitla  
nojki iluitla.

Ikpatl ualeua itech ichkatl,  
ichkatl uan ichtli  
istak kejuan istatl,  
istak kejuan ichpochtli.



- Ximonenechikokan najnauimej uan xikinnemilikan  
oksekimej tlajtolmalinalmej.
- Ximauiltikan akinon kachi totoka tlajtoua.

# Tlajtolnepalistle





## Tekichiuale

Nonantsin kuale kijtsoma nokoton.



Notajtsi kikoua ikpatl uan itsmalotl.

Nejua nimomachtiya kenijki nitlajkuilos uan nimapouas



Tinochtin timopaleuiyaj pan tekitl.

- Xikikuilo ipan moamatlajkuilol okseki tekitl tlen kichiuaj motaj, mokniuan uan tejua.
- Ximotlakechilikan uan moteki ikniuan tleneka kachi kuale an sepan tekipanoske kampa nanchanti.



## Xikochi kojkonentsin

Xikochi kojkonentsin,

xikochi maka xichoka,

pampa tla tichoka,

uits se kokoyotsin.

Xikochi maka xichoka,

pampa tla tichoka,

uits se kokoyotsin,

kikuas momamatsin.

(Tlakuikale)

- Xikintlajtolti motajuan uan mokniuan tla omitstlakuikiliyayaj kuak titsitsin katka.
- Mamitspaleuikan xikikuilo se tlatlakuikaltsin.

# Xikajxilti tlakuikale

Tlakuikale tlen yotitlakuikak ueles tikajxiltis.

- Xikijkuilo itookauan yolkatsitsin, uan motlakayo kampa uelis mitskaus.

Uits se



kokoyotsin

kikuas



momamatsin

Uits se




kikuas



Uits se




kikuas



**Xikinmijkulokan sekitlajtolmej tlen san ijki nauatij.**

# Xikinmikuilo in tokayomej kejkuak tsitsintej.



-On tlakpak katej tokayomej:

Xikinmijkuilo intooka on yokamej tlen patlanij.

---

---

---

Xikinmijkuilo intooka on yokamej tlen motelanaj.

---

---

---

Aman katilejuame nejnemij.

---

---

---

Akinon tlajtouaj.


---

---

---

# Ijkin totlakayo

Xikintlalili itokauan uan xitlapaloti



Xikinmititi motekiikniuan kanon tikpiya motsonteko momauan, mijtek, mokxiuan...

Xikinsetili ika se teuantle uan xikpoua tlen kijtouaj.

Totsonteko tikanaj ika tinejnemij


Tomauan tikanaj ika totlakual

Tijtek kejyeua itlajkuilouaj

Tokxiuan tikanaj ika titlanemiliyaj

Ximauiltikan Ajauil teskatl

- Namojomeme ximijxnamiktokan
- Se konetl koliniya tlajtlen itlakayo uan kijtoua nikoliniya...
- On ixnamik nojki kichiua aun kitlajtoltiya nikoliniya.



## NEMILISTLAJTOYOTL

Ne kalpa yepasotla onen se tlakatsintle  
itookakatka Emilio, yaj okuelitaya nejnemis  
katlayoua, kijtoua on chanejke pampa okipix  
itonal nolis san yepatsi.

Kuak ya onka tlalkakauatl, mojmostla  
katlayoua ontetlakualiyaya,  
se teotlak okiski icha,  
ipan ojtli okimiktijke, uan on  
tlakatsintle no omomikili.

## Ximotlakechilikan uan xitlajkuilokan

- Xinemilikán tlen kijtoua tlaixpoualistli  
“Nemilstlajtoyotl” uan xikajsikamatikan.
- Aman xikinmajxiltikan in tlajtolpamimej:

Tlakatsintle itooka \_\_\_\_\_

tlakatl okuelitaya \_\_\_\_\_ katlayoua \_\_\_\_\_

se \_\_\_\_\_ okski ichan.

kalpa itooka \_\_\_\_\_


Tlakatl omik pampa okimiktijke \_\_\_\_\_

Emilio                          yepatl

nejnemis

teotlak                          epasotla

**In ixéualmēj kuali xikimiita, nimaj  
xikinxexelo intooka ompa xikikuilo  
itech konmēj kenijki kitlajtlani.**



tookauan  
yolkamej

metlapili

Tekolot

petlatl

yepetl

tetsikatl

metlatl



Itookauan  
tlachijchiualismej

**Xikimiita kuali on ixeualmej keniki kate  
uan xikimikuilo ipan teteuanmej tlen  
kipoloua**



Yepatl kikua



Poloko salijtika ika



Siuatl tesí ipan



Tiakatl kajchiua



konetl kiteki

## Pajmej

Notajtsin se tonala katka onechmachtí kenon nimopajtis tlaonechajsik tlajtle kolistle uan okijto.

In yepasotl kuale tikonis tlatikimpiya okuilmej, in yepatl ichiyajka kimpojpoloua on sauamej, in chikalin ichokiso kuale tiktlalilis on mixtololo tlakualo uan in tlakopajtle kuale katimotlatlatis tlatikpiya kouajsiuistle.

Xikin setilii ka se teuantle in ixeualme tlen tikimita uan tlen tejua tikmati kaule ka timopajtis.

Yepasotl



yepatl




Chikalin





Tlakopajtle






# Kanon kachi tikuelita tinemis







## Kalpan

Nokalpan kajki ipan se tetepetsin, kimpiya ome xolalmej.  
Iyaualijyan nokalpan onkatej uejueyin atlajme,  
atlajtsitsinte  
uan nojki temohti tlapilkayan.  
Nojki katej kuemochkuamej uan kojsauakuamej; nemij  
kaunakamej uan kuakuejtij.

**Yeyipouale** uan ome

# Tokayomej

Xikinmita tlaixeualmej uan xikimpoua itookayouan.



Kalpan



Kuemochitl



Kojsauaxochitl



Kuanakamej



Kuakuejtij



Kolalmej

Nikan tlatsintla xikimpanolti itokayouan:

Yolkamej

Neluayokuajtokmej

Okseki tokayomej

Iyaualijyan mokaltlamachtil katej miyekej kojmej uan san tlemachtlen noijkl peuaj ika tlajkuilole Kk.

- Xikintlachili seki xiuimej, xochmej uan kuauitsitsintej uan xikimpepecho ipan moama tlajkuilol. Xikinmijkuiuluili intooka.

## Xikajxilti

Tla yotikpo on tlaixpoualistle itooka “kalpan” aman xikimpoua in tlajitolpamimej uan xitlalili chijkolteuantle  tlen milauk, uan se tlanepalteuautle  tlen amo milauak

1. Nokalpan onka pan se ixtlauak.
2. Tlalkakauatl poni istak.
3. Nokalpan kipyia ome xolalmej.
4. Nokalpan nemij masamej.
5. Kuemochkuamej tikuaj itlakilo.
6. Nokalpan katej atlajtsitsintej.

- Aman tikmati tlenon tikechiuas, xikixeua mokalpan.




## **Ueyi tlajtouani kauatemok**

Tokojkol ueyi tlajtouani kauatemok,  
okimiktijke koyotlakamej kuak oyejkoke nikan pan  
totlaltikpak,  
pampa yejua otechpaleui, xokitekauilij kalakiske  
pan ueyi kalpan Tenochtitlan.

Yejuaika okintlatilijke ixuan,  
pampa xokitemakti kostik teokuitlatl tlen tejuame  
timexikame  
touaxka.

## Xitlaixeua

Xikajxilti in tlaixeualotl uan xitlapaloti.



Keketsali iuaxka kuautemok.



In tototl itooka ketsali.






Se Teotl itooka Ketsalkoatl.


## Xitechtlakechili

Aman oke tejua xikintlakechili moteki ikniuan, tlenon mach onka kampa tejua mokalpa uan xikixeua.



Xikinmita nikan in yolkamej, xikimpoua itokayouan uan xikijto tlenon kimokualtiyaj.





## Totolapan

Totolapan itooka se kalpan,  
ompa chantij maseualmej tlajtouaj nauatl.  
Kuak tlaluikisa, teopan kikalakiya miyek xochitl.  
Tekiuajke kinsetiliyaj miyek tlapitske, tlatsotsonke uan  
mijtotijke.  
Noijki onkate kaltlamachtilme uan se kaltlapajtilli,  
ijkon nochtin kokonetsitsin momachtiyaj uan mopajtiyaj.

Kaltlamachtilli



Tlenon onka




Tlapajtiyaj



Teopankali



Tekiuajkale




- Xikintlajtolti moteixmatkaua tlenon okseki kalmej kampa monechikouaj uan tepaleuiyaj kampa mokalpa.
- Xikinmixeua ipan moamatlajkuilol.

## Kalpan tokayomej

- Xikintlachili itokayouan kalpajme ipan tlaixeualotl tlen onka kampa tlaixpoualistli “Totolapan”
- Xikin mijkuilo ipan teuanmej.

Tlapa



Xikinmajchiua chijuasen ixueualmej, nautokayomej mapeua ika tlajkuilole Tt.

Nikan xikinmijkuilo oksekime tlajtolme noso tookayomej tlen kuikaj “T t”

T

---

---

---

---

t

---

---

---

---

## Tlajtolpamimej

Xikinxelo ika se teuantle in tlajtolpamimej, se xitokayoti tlajtoltokayotl uan okse tlajtololmelajketl.

Totolpan kisa iluitl.

Maseualmej tlajtouaj nauatl.


Tekiuaj kinsetiliya tlapitskej.


Totolapan onka miyek tlatokxokotl.

Kokonej tekitij nochi tonalmej.

### **Kuak iluitl Totolapan tlapitsaj, tlatsotsonaj uan mijtotiyaj.**

- Nojki amejuamej ximauiltikan in ajauil tlatsotsonali.
- Kachtopa ximoyaualmanakan uan se konetl mokauas tlatlajko.
- Ompa on konetl tlatlajko mokan tiktokayotiske “tlayekanketl”, peuas tlapitsas, tlatsotsonas, kitetekis tlatsotsonale uan san tlemach tlen yejua kinekis kichiucas.
- Oksekimej mojki kichiucaske tlen kichiua tlayekanketl uan akin mopojpolos, yejua kipatlas tlayekanketl uan iikon ueles mopatlataske keskime kinekiske.





## **Tototsintli**

Tototsintli tototsintli

matisepan patlanikan,

nepa ajkopa iluikatsintli,

matisepan nejnemikan...

Tlatlajtole.

- Xikinsesetili ika se teuantle kampa katej tlapoualmej.

- Xipeua kampa peua 1 (ce) uan xitlamiti kampa 15 (kaxtole), uan xitlapaloti.

## Kinchiuaj komej.

Konchiuaj uan komalchiuaj, in tekitl nochipa kichiuaj on siuamej kalpan chantij pan ueyi tepekuajyo Guerrero. Ijkin kimotlaniya tomin, tlen ika motlakentiyaj uan mojki ika motlakualtiyaj.



## Tlen kichiua siuatl

- Xikixpoua tlen kijtoua tlatsintla kampa tlaixeuali uan xiktelanili teuantli tlen kichichiua siuatl ika spkitl.




siuatl kichiua



## Xikijtoka tlen nankichiwaskej

- Ximonechikokan ika najnuaimej uan xiktlapejpenikan tlen uales nankichiwaskej, amo xitlajtokan uan oksekimej kokonej kijtoskej tlen onankichijkej.




- Aman xikijkuilo ipan teuantli on tlen onankichijkej uan oksekimej kokonej.

## Tekil tlen onkaj mokalpan





- Xiktlakechili motlamachtijkan, keno tikimpaleuiya moteixmatkauan kampa tomintlanij.

- Xitlakechili tlamachtijketl kenijke titlapaleuiya mochan.




## Tikmati kenan kinmaj chiuaj limej uan komalmej

- Xikinmijkilo in tlapoualmej (1, 2, 3, 4, 5, 6) kampa ipeuayan uan kampa itlamiyan.



## Xikinsetili in tlajtolmej iuan ixewalmej ipan in telxpojpol ojmej:




## Tlajmatketl

Pan oksekimej kalpamej chantij se noso ome tlakatl kimiliyaj tlajmatkej, uelej kinnotsa kiajmej pan xopantlaj kuak xikineki kiauis.

Yaej pan se tepetl, pateixpantla kimontlaliyaj teotsitsinti intoka Tlalok uan San Marcos.

Noijki kiteixpantiya xochitl, yokkamej, tlakuali, atl kokok teixuintiyani uan tlapokuiya ika popochtli.



- Xitlaketsakan iuan moteki ikniuan akinon okseki tlakamej noijki uelej tlapajtiyaj uan uan uelej anotsaj.

## Xikixpoua uan xitlajkuilo

- Xikixpoua tlen kijtouaj tlajtolmej uan xisetili ika teuantli ika sejse tlaixeualmej.



Tlapokuiya



Tlaixpantilla



Moteochiuia



Mixijkuiloua




Kitoyauaj teochiualatl



## Xikixpoua uan xitlajkuilo

- Xikixpoua kuale kampa kijtoua “ika alt” uan xisetili iuan se tlaixkopinale kampa tikitas moneki atl.



**- Ximonenechikokan uan xitlaketsakan kanon  
oksekini kuikuij atl uan tleneka uelyejua**

## Xikasikamati uan xitlakuika

Corrido del agrarismo.

Voy a empezar a cantarle  
la canción del agrarista,  
les diré muchas verdades  
señores capitalistas.

Es el cantar de los pobres  
que en el campo trabajamos,  
los que con tantos sudores  
nuestras tierras cultivamos.

Ay, ay, ay.  
luchamos por nuestros anhelos,  
murieron muchos hermanos  
que dios tenga en el cielo...



- Xikintlajtolti moteixmatkauan tleneka uelyejua  
tlaltikpakte pan se kalpan uan xikikuilo ipan  
moamatlajkuilol.

## Xikixpoua uan xitlajkuilo

- Xikijkuilo ipan teuanme on tjtolme nestoke tlatsintla, tlen kajxiltis kase tlajtolpamitl uan sanoijki nauatiske.

-Zapata okinkixtili tlale \_\_\_\_\_

-Kampa tokaske \_\_\_\_\_

-Tomaseualtajuan \_\_\_\_\_

-Tejuame noijki \_\_\_\_\_

ZTlajyouiyaj

Tekipanouaj

Maseualmej

Koyotlakamej

- Iuan moteki ikniuan xitlaketsakan kenikki opanok kuak omomiktijke miyek tokniuan.

- Tla amo nankimatij xikintlajtoltikan motajuan.


Xikinmixeua on tlemachtlen ika omomiktijke.

## Xochimilko yeuejka kalpantsin

Xochimilko semi kuakualtsin kalpantsin, uan nikán chantij, semi kualtsin setitikatej, kaule motlakamatij uan semi yotlayektlalijkej.


Sejse xiuitl, kitemouaj se tlayekanketl, yejua tlajpiyas pan in teopan, pan iluimej kin kalakis; xochtopilmej, xochkoskamej uan kandelamej.

Kueltsin tlailuikixtiya pampa semi nochtin mosetiliyaj, yejuamej xikeman moxejxelouaj.



# Xikimita in tlaixeualmej


Xikimita in tlaixeualmej uan xikijto itokauan.



- Ximotlakechilikan ka tlenon ikan kinmana pan mokalpan in tlen tlakpak tikinmita.



## Xikinsetili kase teuantle

Xikimita kuale in tlaixeualmej tlenon onkate pan in yeualtik, uan xiksetili in tlajtolmej ka se teuantle.



## Xitlaixkopinakan

Ximosetilikan ika najnaui sentilstle, uan xikimitakan kuale in tlaixeualmej uan se tlasesentilstle makixkopinakan nejtolismej. Uan tlayonkimixkopinakej xikinsalokan itech on kalmej kampa kuale kimitaskej uan iikon kimatiskej tlenon tekitl mochiuas uan tlamauisole yeski pan in iluitl.



- Kanochtin xikinmijkuilokan yezi amatlauatilmej tlen nankinekij naukitemachiltiske pan mokalpan.

# Xikinmajxilti in tlajtolpamimej

xikinmajxilti in tlajtolpaime kampa kinoloua, uelis tikinnextis pan in amatl kampa tlamij in tlaixeualmej.



## Lamatsin kitlamaka



Tlakatl kiteki



## Atli konelt ika





## Sijuatl kikoua


Xochitl — kaxtil — Xikali — — Xonakatl — — —

## Xikintemo tlaixeualmej



Xikinteo tlaixeualmej ipan okseki amamej, xikinteteki uan xikinsalo pan in amatl kampa ijkuijotkate in tlajtolpamimej.



Ichpochtle kinamaka xikama Siuatl Ana kinamaka xitomatl




Ika xamitl yekchijtok kale



Kokonetsin kipyia ikuaxikipil

Tata Juan kinnamaka tsapomej



## Kuale tlaixpolijti

Ipan tlajko kalpan Tlatsalan yauejka nikilnamiki, opanok se masatl; pampa iyaualijyan temojtli tlakoyo katka. Aman niamo xomilmej katej, pampa tlaixpolijtika. Kijtoua nokojkol matiktlajpiyakan tepekuajyo, iikon kualtsin moskaltis xiuitl uan tlakotl, kampa miyanaske uan tlakuaskej tlemach yolkamej.

## Tlenon kijtoua

Ipan in tlaixpoualistle itooka “kuale tlaixpolijti” xikinyeualtsakua on tlajtolmej tlen tlapalotitikate uan xikimixkopina nikan pan in teuantle on tlajtolmej uan otikinyeualtsak.

Xikintlalili itokauan in tlen tikimita pan in tlaixeualmej.



## Kenon kajki

Xikijkuilo ijtek yaualtik on tlapouale tlen kajxiltiya kuale in tlajtolpamimej.

Ipan tlakotl



2



Ijtek teostotl



4



Ikuitlapan kale



6



Itsintlan tepetl



5



Ixpan tlakatl



3



Ajkopa katej



1



## **Kenon uelik uan ijnekuisti**

Xikinsetili ika teuantli in tlajtolmej katej oPOCHkan iuan se tlajtolme tlen onkatej ka tlayekankan.

- Xikimpouakan uan xikijtokan tlenon kijtoua, milauak noso amo milauak.

xomilij	poyek kokok xokok
kalxomilij	ajuiyak molonki xijnekuisti
polan	tsopelik chichik sesek
xalxokotl	ajuikak xijnekuisti molonki
tlaxkale	tsopelik chichik sesek



## Tlenon panok

Xikinmita in tlaixeualmej uan xikijto tlenon panok ipan in kalpan.


- Xikintlalili tlapoualmej 1, 2, 3, 4, 5,




3




2



1




4



5

**Xikintlakechili moteki ikniuan se tlatomilistle uan  
ompa xikintlajtolti tlenon opanok uan akinon ijke  
ompa omotenejke.**






## Tata Nacho

Tata Nacho chanti ipan tepetl,  
itooka kuemochtitla,  
ompa kintlapiya ichitoua  
nimaye panchikuasen metstli  
kimpajtiya, kintsopiniya,  
neli ijko ximikij uan  
kachi moxinachoua.

## Tlamachtili ika tlajkuiloli Ch ch

Xitlaketsan tlenon nikan onkate ipan ixeualmej uan  
xikijtokan  
tlenon kichiuj



## Xitlajkuilo

Tlayotikpo on tlaixpoualistli tata nacho, amaj xikimijkuilo tlajtolmej uan kuika tlajkuiloli Ch ch.



- Uan tlakpak otikin, itak tlajtolmej xikinxelo omeme tlen ueles tikanmixeuas ipan mo amatlajkuilol.

**Xikinsetili ika teuamej in tokayomej uan san noijkl nauatij.**

chapoli

chayojtli

tochtli

chichi

chachalton


chikali

ayotochi

tlalton

- Ika on tlajtolmej otikinsetilij ika teuantle xikin majchiua okseki tlajtolpamimej uan tlamo se

# Kuali xikimijta in ixéualmej, uan xitlapejpeni se tlajtoli uan onkate kolalko xikimijuilo ipan teteuamej



Tata Nacho

paciano

chanti ipan tepetl

---

---



Kuemachtitla

teuaxtitla

Kampa chanti tata nacho itooka

---

---




chitoichkamej

chitomej

Tata nacho tleno yolkamej kimpajtiya.

---

---



chikuasen

makuili

pan kexkich metstli kintsopinia chitomej.

---

---

- Xikintlakechili moteki ikniuan se tlatomilistle uan  
xikintlajtolti keniji motlakentiaya tlenon okichiuyaj  
uan tlenon kijtouayaj akin ompa omotenejke.

# Tlajtolmej sanoijklí nauatij

Aman ximonenechikokan an yejyeyimej ikaj anmosepan chikauak xikpouaka  
in tlátomej uan intlamiya san noijklí nauatij.



Se chito kajsi  
oksej tsajtsi,  
Se chichi tlajua  
oksej teajoua.



Uejka tsikuini chapoli  
kanepaj o ompolij,  
Se konetl nimam kajsi  
uan uejka ajsi.



Motlaloua nacho  
ipan imacho,  
Pontikaj kuemochitl  
kejua axochitl.



- Xitlajtolti akin tikixmati mamitsilikan oksekimej  
tlátomej sanoijklí nauatij, xikijkuiolo uan xitlaixeau.

---

---

---

---

**Tlayotikpo on “Tlajtolmej sanoijklauatij”  
aman nika ximijuilo tlajtolmej uan san  
noiki katlajkuiloli omtlami, san naui uan  
kachi tikinuelitas**

---

---

---

---

---

---

Xikimijuilo kenijke tlachia.



chichi

---

---

---

Chito

---

---

---



On tata nacho itlaken

---

---

---

Chapolí

---

---

---



# Tlamachilismej

Xikimijkilo intookaua totlamachilisua tikinkui.



toyakajtsol  
ika \_\_\_\_\_




tixtololo  
ika \_\_\_\_\_



tonakas  
ika \_\_\_\_\_



Tomaua  
ika \_\_\_\_\_




to nenepil  
ika \_\_\_\_\_

# Tikui atl

Xikinsesetill ika teuamej in ixvealmej ika intooka




asakaj  
motlampajpaka



kaatekiya xochitl  
motlapaakiya



mijxamiya  
atlrij



maltiya  
moolchiuaj




- Ximotlakechilikan kanon konkuij atl kampa mokalpan.
- Tleneka techililiyaj tiktlajpiyaske atl.

## Tikui tletl.

Xikimitaj kuali uan xitlaketsakan uan moteki ikniuan.

Xikijkuilo tlenon kichiuj kampa se ixeuali.



- Xikixeua uan xikajchiua ipan moamatlajkuilo!  
kanon oksekan tikanaj tletl.

## Uejka tepostlanotsali

Xionechikokan an yejyeyimej uan xikimijtakaj kuali in ixexualmej.

Xikijuilo tlapouali ijlik tsitsi kolalko kampaj peuaj uan kampaj ontلامي tekil.



In siuatsintli yaontenotsas.  
nej ueyikalpa mexko ipan  
itech yejkos Tepostlanono  
tsali tepostlanonotsali



In tlakamej tekipanoua  
kintlaltoka kuamej kampa  
kampaj tepostlanonotsali.




- Aman ya kuali mantokej in kuanmej uan kimpiya teposmej kampa itech yejko tlanonotsali

- Nikan in tlakatsintli yamonotstikate iuan iteixmatkaj onka nej

Xikijtokan -Kampa mokalpan onka uejka tepostlanotsali uan kenon kajki.  
-Xikijtokan kenon uan kemanon okikalakijke kampa mokalpan  
-Kuale noso amo kuale tikpiyaske kampa tokalpan

## Teixpojpol ojmej

Xikimita kuali in ixeualmej uan tookayomej  
xikinsesetili ika teteuammej kampa  
kon namiki



## Xikimajxilti tlajtolpamimej

- Xikimajxilti in tlajtolpamimej ika se tlajtoli tlen kinamiki, onkate tlatsintla ijtek tepostlauilananalmej.
- Ika se teuantle xiksetili tepostlauilanale iuan tlajtolpamitl.

1. Siuatl tlapaka ika


2. Tlakatl ontlajtoua uejka ika

3. Atl tlen koni kualtsin

4. In kuak tikaatekiya  kualtsin poni.


5. Pan in kalpan katlayoua kualtsin











## Ichán manuela


Kampa chanti Manuela  
onkatej miyekej tepemej,  
xuejka panotok atentli,  
kimpiya michmej uan chakalmej.  
Yejuamej ompa motlapakiya,  
maltiya uan onkate uejueyi  
kuanmej, yejua ika katlayoua  
tlaluis seuajuan katlajka tona  
chikauak.

**Ipan Teuan nenepalistli xikinextij  
intookauan on ixequalmej onkate  
tlatsintla uan xikinyaualtsakua.**

O	B	M	E	T	L	A	T	L	W	R	U
I	M	H	J	L	X	T	U	W	J	L	Q
B	F	I	P	Q	W	M	E	G	L	E	Z
m	a	I	a	k	a	t	I	w	P	T	M
W	K	T	L	P	W	m	a	s	a	t	I
E	H	D	O	W	T	G	R	H	S	K	L
I	S	P	E	M	T	F	W	m	i	I	i
U	T	K	F	V	B	T	D	W	G	O	M
L	W	P	m	i	s	t	o	n	K	T	W
O	T	W	F	M	B	C	LL	Z	V	CH	D




## itlajkuilo

Xikimita kauli in ixvealmej uan xikimijuilo tlen tikimitaj ipan teuanmej.



- Xikintlakechili moteki ikniuan kemanon kachi  
tikuelita kuak xopantla noso kuak tonalko.

## Xikinsesetili ika teteuamej in ixeualmej uan san noiki tlachiya



- Xijijo katilejua in tlaixeualmej nesi kampa tejua tichanti.
- Xinemili tlenon techpanos tla nochimikiske yokamej neluayokuajtokme uan tlami alt.

## Xitlajkuilo uan xikimixeua


Xikimpoua in tlaixpualimej kasejse okate tlatsintla pan teuanmej uan xikimexeua ijlik kolalko tlen mitstlajtlaniliya.



---



Nikan xikimiseua se teptl uejkapa, yezi okomej, se masatl, tochtli, uan xitlalili kase tlajtooli itookaj.

xikimixeuj, se ayauali uan kokonejompaj maliya ikaj inkalso tetepoj.



---

Xikixeua nikan sez kali uan ixpaj yeuatika se tlakatl kimokentitika itojmi kijtoua nelij seuaj uan omez okomej.




---

Sez tlakatl tlaxotla uan isiuu kitoka tooka tlayolli.




Omez tepemey, omez kuauitl tlauaktok sez nochtli, atentli. uan xitlalili itooka kasej tlajtoli.

## Asesekaj

Sitlali chanti asesekaj,  
kijtoua neli, kampa tooka  
itlajtla Samuel, onka sej ameyali,  
onka miyek sakatl uan soyatl,  
on atl kitlapiyaj uan kimaluuya  
pampaj ueliyejua, ikaj tiyoltikatej,  
tla xikimalluiskej, kajsis pitsokuitlatl,  
polokokuitlatl uan ijkon uelis mokokoskej.



Aman ika in ajauilmej xikimixeua ipan  
moamatlajkuilol, xikinteteki uan  
xikinmaultikan kejua onka tlayejyekoli,



Tlayejyekoli

palma	Sitlali
	
	Sentli

- Ka monochtin xikintetekikan oksekimej amatsitsin  
ke tlakpak katej uan kachi ueyak xikajchiuakan in

# Xikinsetili ika teuanmej in tookayomej kampaj komnamiki on ixewali.

sentli



sakatl



soyatli.



sitlali





sayolij



Samuel

# Kuali xikimitakan in ixéualmej, uan moteki ikniuan xitlaketsakan tlenon opanok yauejka

- XikinmijkUILUILI tlapoualme (1, 2, 3, 4, 5, 6)



## Tlajtolpaimej

Xikimita uan xikikuilo tlenon kichiua in ixvealmej.



- Xikita kampa mokalpan tlajtlen tlen tlajtlakoua  
kampa nanchantij, xikikuilo ipan moamatlajkuilol se  
trajtolpamitl uan xikixeua tlen otikikuiloj.

## IInamikilistle

Mauistik okatkaj in tepemej, kuajyoj uan onemiyaj miyaj yolkamej pampa semi tlasejselistoya.

Aman nimoyolkokoua, pampa semi tlaixpolitok nojki in yolkame tlenon onemiya pan kalpanmej, xokueli moskaltiya, nimn miki pampa onkate miyek kokolismej.



Ximotlakechilikan:

- Tlenon yomopatlak kampa mokalpan
- Tleneka omopatlak
- Kenon tikchiuaske uan amo titlaijtlakoske kampa tokalpan.

## Tlaixeualmej

- Ijtek kilalko xikixeua tlen onka tlatsintla itooka.
- Ipan teteuamej katej tlatsintla xikinmajchiua sekimej tlajtolpamimej.



masatl



memela




mile



molkaxitl



souatl



sayolin

On masatl \_\_\_\_\_

On memela \_\_\_\_\_

On mile \_\_\_\_\_



On moltkaxitl \_\_\_\_\_

On soyatl \_\_\_\_\_

On sayoli \_\_\_\_\_

## Tlaixeualmej

- Xikinmita kuale in tlaixeualmej uan ipan teuantle xikinmijkuilo on tlajtolpamimej katej tlatsintla.



Kualtsin kojtla  
temojti tlaixpolijtok

yolkamej nemij ipan kojtla  
yolkamej nemij kalpan

- Ximonenechikokan najnauimej uan xitlajkuilokan.
- Sekimej makikuilokan itokauan yokamej nemij kojtla.
- Sekimej makikuilokan itokauan yokamej nemij kalpan.
- Xikitokan tlenon ika techpaleuiya.
- Ximotlakechilikan kenon kuale tikplajpiyaske totlalnemiyan.

## Xikintemo tlajtolmej


Pan in tlaixpoualistle itooka “ilnamikilstle” xikintemo in tlajtolmej uan ika xikinmajxilti in tlajtolpamimej.

Sejselik \_\_\_\_\_



Soyatl

Mauistik \_\_\_\_\_




Tepemej

Semi \_\_\_\_\_



Tlaixpolijitok


Miyek \_\_\_\_\_



Yolkamej

## Xiknemili tlenon tikikuilos

Xikijmajxilti in tokayomej tlen onkate pan y tlajtolnepalistle, uan tlen itooka in yokatsitsintin, tlen tikimita pan in taixeualmej.



a, i, o, m, tl, s,

## Tlakuikale

- Xikisakan kiyauak uan ximoyaualmanakan.
- Xitlakaikakan uan xikchijtakan kenon kichiuaaj seki yokamej.
- Xitokakan keniji kichiua tlayekanketl.

Xikchiuaaj nokej kichiua yokamej  
(itlakuikal San Serafin del monte)

Ximoteyenalmanakan  
kexkimiej nikan tikate,  
matitlakuikakan  
kejtisetitikate.

Aman nanmechomlis  
nochtin majseualmej,  
xontsitsknimikan  
kej in xalkalamej.

Aman xonajsito  
nejua niknekiskiya,  
aman xontsajtsikan  
semi kej se chito.


Aman mika onchiton  
keno anmejuame ankita,  
nikneki xontsatsikan  
nokey in se miston.

Aman xikita in astil  
kuale xikiitakan,  
nikneki xitsajtsika  
semikni in kaxtil.

yejua in tlakatsintle  
uan itooka Federico  
kineki xitsajtsika  
nokej in perico.

## Tlapalxochmej


- Xikinmita kenon intlapalo in xochmej.
- Xikinechko seki xochmej tlen katej kampa mokalpan, xikimpepecho itech moamatlajkuilol.
- Xikinmijkuiilo itooka uan noijke keniji itlapal.



sempoualxochitl



Asesekaxochitl




Kuitlaxochitl

## Ximauiltikan

- Xikintlajtoltikan mokojko luan uan motajuan, kenon uan kanon kikixtiyaj tlapale tlen amo mokoua uan xikijkuilokan ipan moamatlajkuilol.
- Xomoxexelokan chijchikuasemej uan xikintejtemokan tlapalmej uan xikin neneukan: chichiltik, kostik uan xojmalektik.

1.- Xikinnelo tlapale kostik uan chichiltik uan xitlapalotí on istak yaualtik.



tlapale kiski \_\_\_\_\_

2.- Xikinnelo tlapale xojmalektikuan kostik uan xitlapalotí on yaualtik istak.



tlapale kiski \_\_\_\_\_


3.- Xikinnelo tlapale chichiltik uan xojmalektik



tlapale kiski \_\_\_\_\_

## **Totlanemijyan**

- Ximonenechikikan iuan tlamachtijketl uan xikintlachilikan sekimej tlaixeualmej, kampa nestok totlanemijyan, xikintetekikan uan itech tlajten kuauitl patlauak xikinsasalokan.
- Xiktlalikan kampa ueles kuale kitaske oksekimej momachtijke.



- Xikijtokan tleneka kuale techiliyaj matiktlajpiyakan totlanemijyan.
- Kenijke ueles kuale tiktajpiyaske.
- Tlenon ika techpaleuiya.



## Tlakayotl uan chikaualitle.

Tiktlajpiyaskej totlakayo, iikon nochipa tikpiyaskej  
tochikaualis uan noijki, ueles titekipanoskej.  
Tlatikpiyaj se kokoliste, timopajtiskej ika tlapajtli  
xijmej uan noijki ika pajmej tlen mokouaj pan  
kaltlapajtilnamakakej.

**- Xikixpoua kachtopa in tlajtolmej uan xisetili ika se teuantli iuan tlaixcopainali.**

Pajmej



Tlapajtijketl



Kipajtiya




Posoni




### **Xikintlakechili moteki ikniuan**

- Tlenon kichiuj kuak kokoxkej.
- Tlenon kichiuj pampa amo kokolisiuiske.
- Tleneka kuale uelyejua matimotsopinikan uan matipajyikan.

# - Xikimpoua on tlajtolpamimej uan xiktlachili okse tlajtole tlen ika tikajxiltis.



Tiktlajpiyaske  
totlakayo uan  
ijkon tiyeske...



kilimej


Tla kiknekij kuale titlakuaske  
uan amo tlaluis timokokoske  
kuakon kuale tikuaske...



posonki




Amo timokokoske  
tikoniske atl...



tlapajtijketl



Chijchiikajke



kuak timokokouaj  
techpajtiya...

**- Xikinsetili ika se teuantle tlajtote uan tlaixeuale.**

- Xikixeua tlen kijtous se tlajtote, kampa nestokej on tlaixeualmej.


Tsontekomatl



Mapatlakte



Kamaktle



Ikxipatlakte



**- Nikan xikixeuatlen tejua tiknekis motlakayo**

**- Xisetili kasejse tlajtolpamitl uan se tlajtote  
tlen kinamiki**

-Akinon ijkej mitspajtiskej

Tlapajtil xijmej

-Tla tichikauak ueles

Xipajtolo

-Timopajtis ika

Chipauak

-Tla tikpiya tlapiasolistle

Titekipanos

-Motlakayo nochipa yeski

Tlapajtikej.




-Nenepil kualo

Ichpokatl.

**- Xikintlakechili moteki ikniuan:  
Tlenekakuale timoseuiske, timauiltiske, kuale  
titlakuaske....**


# Xikiimita kachtopa in tlaixeualmej uan satepa xikixpoua tlen kijtoua se tlajtolpamitl



Konetl kipajtiyaj



Tlakatl tekipanoua



Siuatl tlapaka



Ichpokatl mokxipajpaka




Konetl motlamapajpaka



Ueuentsin mixtololopajtiya.

## Xikiita uan xitlaixpoua




-Xikita kachtopa in tlalnemijkan, satepa xikintlachili uan xikimixpoua miyekpa on tlajtolmej ijkuitolotokej



- Xikintejtemo okseki tlajtolmej tlen ika peuaj "Ts".
- Aman xikixeua nikan.

## Xikimita

-Xikimita kachtopa in tlaixeualmej uan satepa xikinsetili ika se teuantli ika intooka.



## Tlapajtil xijmej

On tlapajtikej tlapajtiya ika ixijyo tsompantle,  
kochitsapotl uan itlakilo tsojpilokuauitl.  
Onka miyek tlapajtil xijmej pan kuajyo uan  
pan kalpajme, noiki onka tlen ika kimpajtiyaj  
tsotsokateuitsmej.



- Xikile motlamachtijketl mechuika kampa tlaka tlapajtijketl (mochantlakatl), anmechili katlejuamej oksekimej neluayokuajtokmej kual ika timopajtis kauktiko kilisiui.

## Lamatsin uan nanakamej

Se tonale okatka, nana María oyajki pan kuajyo pan kintlachilis tlapajtil xijmej uan kaxtopa okinnexti nanakamej.

Kuak oyejkok ichan okimposoni ika chike uan kinkua, sanima okimachili kekexkiyaj imauan, ompa nochitlakayouan opeki kualo itsonteko.

-Tlenon okinkua nana María \_\_\_\_\_

-Tlenon okinextij kachtopa \_\_\_\_\_

-Okekexkiyak nochitlakayouan \_\_\_\_\_



-Pan tlen itlakayo okualok \_\_\_\_\_

moteixmatkauan tla kixmatij kojnanakatl tlen kuale tikuas.

- Xikintladechili moteki ikniuan tlen omitsilijke.

## Xitlapajti

Mamitspaleui tlamachtijketl, ximonecheko iuan oksekimej kokonel uan xikejyekokan nankipajtiskej se konetl kokoxki.



-Amatl tlen kitemaka tlapajtiketl

Kokolistle \_\_\_\_\_

Tlapajtil xiuitl \_\_\_\_\_

Kenon tiktlalilis \_\_\_\_\_

- Mamitspaleui tlamachtijketl xikinmachiua oksekimej kampa nestos itoka kokolistle uan tlen kapajtis.

Keniji timachili  
kuak mitsajsis  
tlatekale.

Tienon ika  
timopamtis



## Iluij mile

Pan talxochimako kitlaluikixtiliyaj mile,  
kintlamakaj yelomej uan koualomej,  
tokniuan kajchiuaj chilatl, sekimej chile tetsauak.  
Noijki kitlaliya chikolatl uan pantsin,  
nochtin kitlamakaj yelotl inchan.  
Seki yelotl konketsaj, tla yoyiksik konkauaj teopantsin uan  
noijki kuikaj se mile tlen kitlayualoltiyaj ka tlayoua.

OKIJKUILOJ: Ma Magdalena García Astudillo.

## Xitlaixeua

Aman oke tejua xikixeua keniji kitlauikixtiyaj mile kampa mokalpa.

- Nojki xichiukan kejuan kitlaluikixtiliyaj mile.
- Xikijtokan tleneka kichiuj iluitl uan tlenon ueles mechpanos tla ixnantlaluikixtiyaj.

## Xitlajkuilo

-Nikan xikimpanolti on tlajtolmej tlen kachi kuale kopotstike tlen ka tej ipan tlaixpoualistle “iluij mile”, uan xikimpouakan miyekpa.

---

---

---

- Ika in tlajtolmej tlakpak otikinmijkulloj xikinmajchihua seki tlajtolpamimej.

---

---

---

## Xikikuilo tlen mitstlajtoltiyaj

Kampa mokalpan ipan tlenon metstle kiluikixtiliyaj mile.

Tlayualouaj ka kualkan noso tlopayaua.

Keski tonale iluikixtiyaj

Kenon nankimatij kanon peuaske tlayualoske

Akinon mechnotsa kuak nantlayualoske

Kenon mech monochiliyaj

Amatlanotsalistli

Namechmonochiliya nokniuan.

Pampa nejua nitlayekanki, ika mausitl namchnotsa, xualakan pan tonale sempouale uan chiknaui tonale, metstle tlaxochimako, tiktlayualoltiske mile.

Namexchiya kuak peua tlapoyaui uan ijkon ka tosepan titlayualoske uan timijtotiske.





Mechnotsa tlayekanketl

Pedro Teuitsin

- Xikinmili mokniuanmamitspaleuikan xikuijkuilo se amatlanotsalistle ipan mo amatlajkuilol kuak tejua moluij.

# Xitlamauiso

Xikinmita in tlaixeualme uan xikintlalili se tokayotl on tlen katej tlatsintlaj.



kipokuiyaj mili.

kinotsaj atl.

kixochtlakentiyaj mile.

kitlajpalouaj tonaltsintle.



## **Tikpatlaj tlaltikpaktli**


Nochtin maseualmej akin tichantij ipan tejtepeyo  
tikektlaliyaj tlali kampa titokaske yetl, tlayole, ayojtle,  
chile uan tomatl.

In tlen tikchiuaj ika totekij, kixpatla in tlaltikpaktli,  
kemantika tikualchiuaj uan kemantika tikiatlakouaj.

# Tokayomej

Ipan tlaixpoualistle “Tikpatlaj tlaltikpaktli”, xikinmita on tlajtolmej kapotstike uan xikinmijkilo kampa in tlaixeualmej.

- **Tlatsintla kampa tlachipajtok xikimpepecho seki neluayokuajtokmej tlen kintooka kampa mokalpan.**



yetl



yelotl



yexotl



yepasotl

**- Xikinxexelo uan xikinyaualtsakua ika tlopale chichiltik tlen sekan pouij, ika tlapale axolektik noijki tlen sekan pouij uan kostik noijki tlen san sekan pouij**

### Tokayomej

tlaxkale

yetyl

ayojtle

tlayole

ayojkilitl

yexotl

textle

ayojyole

nektle

yetylaxkale

- Nikan xikinmikuilo on tlajtolmej kenon tlopalotitok on yaualtik.

ayojtle

tlayole

yetyl



## Tlemach tlachaliskan



- luan tlamachtijketl ximotlakechilikan uan xitlajkuilokan
- Tlenon mach tikita nikan pan in tlaixkopinale.
- Kanon tlakuakualkan uan tleneka ijkon tikita.
- Tlenon tiktakemiliya opanok kampa xoktlakuakualkan.
- Kenon titlayektlaliske kampa tlaixpolijtok.
- Xikijkuilokan pan amatlajkuilole tlen nankijtojke.


## Amo xitlajto

- Xinemili se yokatl.
- Xikchiua ken kichiua on yokatl.
- Xikinmili moteki ikniuan makinextikan tlenon yokatl ijkon kichiua, nejnemi noso tsajtsi, kenon tlakua.



Ojnepalismej

Xikinuika yokamej kampa onka tlen yejuamej kikuaniij.  
Amo xikimpañolti kampa ueles kinmiktiske.







## **Siuailuitl**

Nikan monamiktiyaj Ana uan Nacho.  
Xitlamauisokan uan xikiitokan tlen nankitaj.  
Kenon manamiktiyaj kampa mokalpan.





## Namiktili

Se nektsin okinamik se chochoteatsin, ikan mauisotl  
okitlajpaloj

uan ojilij:- Nojki nikan tinemi, chochoteya kinankilij, -kemaj  
nikan niktemoua tlen nikuas.

Nektsin ichtaka okillij.-Nejua nimitsmakas nektle tlen tikuas,  
- aman xinechtemoli akinon iuan nimonamiktis.

Chochoteya okitekets imamatsin kampa ka kisa tonale.

Nektsin ka ompa oyajki, pokinexti se nochtle kualtsin  
xoxhpontika uan ompa

tlaoloua se xikotle; kemaj okillij:-Nechilij chochoteya  
kamouan tejua nimonamiktis. Xikotle okitlajtolti. Akinon  
yeskej tokompaltajuan. Nektsin okinankili.- Tikinnotsaske  
tlalneksitsin uan akommimiyauamej.

Kuak monamiktijke tikuajke nekta male uan tikonike nektle.

## Milauak uan ximilauak

Nikan katej sekimej tlajtolpamimej tlen kitouaj milauak uan ximilauak.

Milauak.

Ximilauak

Nektle tsopelik

Nektle ixtsopelik.

Nikpoloj nokaxtiltsin

Conikpoloj nokaxtiltsin.

Chochoteya tlamatini


Chochoteya koxtlamatini.

### Xikintlajtolti motajuan, mokniuan, mokojkoluan uan




xikinmajchiua sekimej tlajtolpamimej

tlen kijtouaj:

milauak



ximilauak



# Tlenon tikita

## Kuali xikimita in ixéualme



nektsin



nektamale




nektle



nochtle

Aman tlatikneki tikpannextis in yolkatl  
xikin sejsetili kase teuantli in tlapoualmej  
kampa, peua uan iikon tajsis kastole.



tlenojon in yolkatl.

1 2 3 4 5 6 7 8 9 10 11 12 13 14 15

## Xitlasetili

Xisetili ika se teuantle in tlajtolpamitl uan se tlaixeualotl tlen kinamiki.


Se nanatsin kikua nektle.




Nektsin kajchiua nektle.



Se xikojtle kajchiua nektslamale.



Nochtle kaltsin xochpontikaj.



Aman xikimijkuilo ipan moamatlaikuilor seki tlaj tolpamime uan xikinxelo uan kijtoua ximilauak.

## San noijki kijtosneki

Nikan tикинmita sekimej tlajtolmej tlen mijkuilouaj  
oksejsen tlamatle uan san noijki kijtosneki.

-Nikan xикиnmita sekimej.

yayauiк



kapotstik

kuentli



apantle

Nikan oke tejua xикиnmajxilti uan xикиnmajchiua  
oksekimej ipan mo amatlajkuilol.

chichi



polan



## Kakaxtiltsin

Onikpoloj nokaxtiltsin la, la  
oniktemoj nokaxtiltsin la, la  
oniktemoj la, la, oniktemoj la, la  
uan amo niknexti ne.

Kimpiya ikxiuan kostike la, la  
kipiya ikuatsikil chichiltik la, la  
papatlaka la, la papatlaka la, la  
tlakuika kikiriki.

Oniktemoj Petlakala la, la  
oniktemoj ne Sitlalan la, la  
oniktemoj la, la, oniktemoj la, la  
uan amo niknexti ne.

(Tlakuikale)

## Kaxtil uan lamajkuanaka

Kaxtil tlakuika kikiriki,  
ika itlakuikal techijxtiya ka sankuel.  
Kaxtil kuika kauitl, tsajtsi sankuel, tlakualispan  
uan tlajkoyouak.  
Noijki tla tikuaj ikxi piyo xuelis tiapanos.



Xikin tlajtolt: moteixmakauan okseki yolkame uan  
Tlajmakej uan tlayomitsilijke xikili motlamachtil mamitspaleui  
xikimijkuilo intookaua.

---

---

---

---



## Tlajtlantsin

Noel tlajtlantsin, nochí tonalmej kipano  
tetlajtlajtoltiya san tlemach.  
Nikan kitetlajtoltiya.

Tleneka chikiletsajtsi lamajkuanaka.

Akinon techijxitiya ka sankuel.

Tlenon kitosneki kuak tsajtsi tekolotl.



Aman oke tejua xipaleui tlajtlantsin, xikinmajchiua  
sekimej tlajtlanil tlajtolpamimej.

---

---

---

---



# Xikajchiua nejtolistle

Xikimita in tlaixeualmej uan mechpaleui tlamachtijketl,  
xikikuilo se nejtolistle.



## Xitlajkuilo

Se chichi kitoka...

---

---

---

---

Yotitlajkuilo... aman.

Xiteuana un tlajtolpamitl uan kijtoua milauak  
Xiaualtsakua on tlajtolpamitl uan tetlajtoltiya  
uan xitlalili se koloktsi uan kijtoua ximilauak

## Tlatomilistli

Lamatsin itooka Lola, san popoloka kampa tlapajtiya uan kampa kimpajpachoua on lamajtsitsinti Lola, Elena uan noijki kichijchiuiliya itonal on konetl itoka Lalo, kanaj okimomojti tekolotl, okotekili uan kojkespali.

Kampa tonalajkokui lamatsin, santlemach yolkamej kinojnotsa uan sankiijtojtika Lalo, Lalo, ximeua, amo nikan xichokatinemi, uan kimaa, kimaa ika se tlakotl on tlale kampa omomojti konetl uan oksepa kitokayotiya, Lalo, ximeua, tiaskej tochan oksepa peua popoloka uan peua kiteixpantiya tomin, xochitl, candela uan kopaltlapokuiya ika popochtli.

Pan oksekimej kalpamej ijin kintonalajkokuij on tlajtlen kinmojmojtiya.




- Ximotlakechilika uan moteki ikniua tla mokalpa no onkate tlakame noso siuame uan no tikon tlapajtiya.
- Xikintlakechili moteikniua tla anmejuame no ijkon anmech patiya.

## Ximauitl

- Mamitspaleui motlamachtijken ximauitti uia oksekimej kokonej inmauittelitli itoka “ajauitlanamakali”.

Ken timauittis.

Se ichpochtli momachtijkej motokayotis Lola, yejua kinnamakas miyek yolkatsitsin. Itech Lola, motlaliskej kanaj chikuansen kokonej uan kitlapejpeniskej tlenon yolkatsin kuelitaj kimotokayotiskej, ueles motokayotis se, xolkajtsin, chapoli, okotekili, okuili uan kojketspali, nikana yejkos se konetl motokayotis Lalo, kijtos nejua nikneki nikouas se yolkatsin; on tlanamakaketl kilis xtitlaxtlauas ika tomin, san xinexti itooka uan tikuikas, kuak in tlakojketl yokinextilili itooka on tlen okitlapejpenij; on konetl tlen okinextilijke itooka kana xolkajtsin, chapoli...nimaj cholos uan tlakojketl kitokas uan kampa kasis kuikas, yeski iuaxkaj. Ijkin ueles oksepa timauittis ika in tokayouaxkamej uan sankayomej.



**Ximosesetilika annajnauime uan xitlaketsaka okseki  
mauittelme tla ankimixmati.**

## Xikinexti tokayomej

-Xikinexti in tokayomej nestokejijtek yaualtik uan xitelanili se teuantli kampa onkaj tlaixeuali.




K	L	L	Ch	Ch	O	O	k	Ts	L
a	a	a	a	i	k	k	o	o	o
k	m	l	p	l	o	o	l	j	l
a	a	o	o	p	tl	t	o	p	a
l	ts		l	a	e	tl	i		
o	i		i	n	k		l		
tl	n				i		o		
					i		tl		
							i		

**Xikintlajtolt: moteixmakaua uan ma anmechili se  
Tlatomilistli iuan xikintlakechili moteikniuan.**

## Xikiita uan xitlajkuilo

-Xikimita kuale in tlaixeualmej uan xikikuilo itooka ipan teuantli nestok itech se tlaixeuali.



## Xitlajkuilo

-Xikikuilo ipan moamatlajkuilol in tlemach tokayomej uan teuaxka tokayomej, nestokej tlatsintlaj.

Lalo

Colima

Chilpan

Kilitl

Olotl

Lola

Chitototl

Lauro

Xitlajtolti tlamachtiketl tlenika sejsetlamantli un tokayotl kejme Lalo uan olotl.

## Xikpoua

-Xikimpoua in nejtolisme uan xikili motlamachtijkan, tla tikinmixmati oksekimej yolkamej te mojomotijkej uan temiktiyanij.

In okotekili tlejko pan kuauitl,  
kampa ueles kitejtemos  
tlakilomej tlén kikuas.



In xolkajtsin nochí  
youali tsajtsitikaj uan  
tlaxitsajtsitiyes, temoskej  
ueueyin yolkamej uan  
techkuaskej.

Lola kimojkaita kolotl,  
pampa kimati tekokoj  
katlatsopiniya.



Xikintlajtolti mokojkoluá noso matajua, tla kimixmati  
oksemej yolkamej uan tekuani

Aman ipan moamajtlajkuilol xikimixoua uan  
xikintlalili in Tookakua.

## Xikita uan xiteili

-Xikimpoua kuale in nejtolismej tlen nestok itech se tlaixeuali uan xiteili tlen kistosneki.

-On tlapitskej, tlakinekij tlapitsaskej kimaa kuetlaxtampol uan monechikoua.

-Kuak tlakuika on tekolotl, kijtouaj yakaj momikilis.

-Tochantlakaj kijtouaj tla nesi akosemalotl xok kiauis, yejua kintsakuiliya kiajmej.


-Kuak miyek monextiya tetsikaj pan tonalxopantlaj, kijtouaj tlatolma naskej.

- Pan mokalpa xikintlajtalti, seki ueuentsitsinte tlamo okseki tlakame, tla kimixmati oksekimej yolkame tlamakque.


- tla yomitsilike xikijkuilo pan moamatlajkuilol on Tokayome.

## Xitlaixeua


-Pan moamoch yotikimitak miyek yolkamej, aman xikin mixeua kenon kitlajtlani tlen ijkulilojtok.




Se okuili




yeyi papalotl




Se siuatl



Se ajkosemalotl



naui tetsikatl




ome kolotl

Aman xikimikuilo ipan moamatlajkuilo in tokayome  
xikinxexelo uan patlani, uan motelana.

# Xikpoua

-Xikimpoua kuale in tlajtolpamimej nestokej ipan kuatlamanili, uan xitlaliti teuantli on tlajtolmej tlen kuikaj tlajkuiloli “L, I”.



Xikikuilo tlenon mitstlajtlaniliya

majseualme

yolkame

Tlakilomes

## Xikpoua kuale

Mojmostlaj timomajtekiskej

On siuatl tlamachtijketl itooka Alicia, mojmostla techiliya matikimpakakan momauan ika atl uan xapoj kuak titlakuaskej.

Nojki techiliya matikposonikan atl tlen tikoniskej uan tlen ika tikpajpakeskej papalokilitl uan kopalkilitl.

Oksepa kuale xikpoua in nejtolistli uan xikikuilo ipan teuantli tlen kaxiltis se tlajtolpamitl.

1.- Tlenon itoka siuatl tlamachtijketl \_\_\_\_\_

2.- Kenon yeski on atl tlen tikonis \_\_\_\_\_

3.- Tlenon ika tikimpajpkas momauan. \_\_\_\_\_

atl uan xapoj

Alicia

atl posonili

**Kaiuan motekikniuan xitlaketsakan okseki keniji  
anmotlajpiaske uan ijko xanmokokoske.**

## Xikpoua uan xikijuilo

-Xitlapejpeni se tlajtote tlen ikuilojtokej tlatsintla uan xikijuilotlen kaxiltiya se tlajtolpamitl.

-Laura kipajpaka kilitl ika

atl

-Siuatl tlamachtijketl itooka

Alicia

-Nejua nikua papalokilitl uan.

kopalkilitl

-Emilio koni

Atl posonili

-Hilario kimpajpaka imauan ika

atlauan xapoj


atl auan xapoj

kopalkilitl

atl

Alicia

Atl posonili



## **Ueuejtlajtoli**

In ueuentsin kintlakechiliya ixuiuan,  
neli yauejkaj onen se tlakatl itookakatkaj  
Ubaldo, ikipix itoonal uan ijkon mojmostla  
katlayoua okisaya ichan, neli pan xolal  
omomijmilouaya uan omokuepayaj se uejxolotl,  
uan tlaluis otlamomojti, oajsik tonali  
okimiktijkej, uan on tlakatl ualmostla kateotlak  
opejki kijsotlaj yestlij, katlayoua omik.


# Tokayomej

Xikimitaj kuali in ixvealmej uan xipoua intookayoua

uiujsakatsi




ueuentsin



Uilakapichi



uejxolotl



uajkilitl




auaxi



pan moamatlajkuilol Xikajchiua se tlatomilistli uan  
xikinmana un Tlajtolme tlen Tlakpak katej.


## Xiamapoua uan xitlajkuilo

Itech in te post laui lanali xikimpoua tokayouaxkamej uan tlen mach tokayomej tlen kuika pamitl Uu.



Xikimijkilo  
tokayouaxkamej

xikimijkuilo tlenmach  
tokayomej.



## Xiamapoua uan xikimixeuj

Xikimpoua in tlaixpoualismej kasejse onkate tlatsintla uan xikinmixeuaj tlakpak tlen mitstlajtlaniliya.

Uiuijsakatsi tlajtlapipina  
ipan ixoochj  
nochpajpatlaktsi.

In siuatl kiteki uajkilit  
neli kauskej ikoneuan

Ichpochtli kintlamakaj  
yeyi lamajtotolmej uan  
sej uejxolotl mochimaloua.


In uichachi kualtsin  
xoxouxitikajuan  
xochpontikaj kostik.

Ipan in kuatlaixmanali  
onkatej naui auakamej.

Itempaj in ayauali  
maliyase akuanaka uan  
omej ikonetsitsiuán.

## Kugli xikimijita uan xitlapoua:

- Keski kate uejxolomej
  - Keski kate auakamej
  - Keski kate akuana kamej



## Xitlamauso uan xitlajkuilo

\* Xikimpoua in tlajtolmej uan kinmamajtikaj kouatl.

\* Aman noch i tlajtolmej xikimana uan xikikuilo se tsitsi nejtolistli.

---

---

---

---

## Xitlamauisoj uan xitlajkuilo

\* Xikimita kuali in ixœualmej kasejse tlenon kichiuj uan xikimikuilo pan teuanmej makuili tlajtolpamimej kejonka tlayejyekoli.

Se ichpochtli tlaluis uetska  
kuejuelita on ayotsi.



## Xiamapoua uan xitlajkuilo

Xitlamauso uan xikimita on Tlajkuiloltlakotonilmej tlen onkate itech tepostlauilanali uan xipoua in nejtolistli.



- kampa ontlami tlaixpoualistli.
- kampa timijyotamachiua.
- : kampa timoteltis uan tikinkojkotonas.
- ; kampa kachi ueyi timijyotamachuas.

**Aman xikpoua in nejtolistli uan kuali xikita kampa kuika on tlajkuiloltlakotonilmej.**

### Uitsiltepek

Ubaldo kiteki uaxi ne ichan uitsiltepek,  
neli kinamakati uan seki kuaskej;  
noijki ontetl kitlayokolis itlasoj.

On itlasoj Ubaldo isiua itooka Aurelia  
tlaluis kuali tlakatl; uan tekipanouani.



**Aman xikili matlamachtil mamitspaleui xikimikuilo  
tleno kichiua pan se iluitl, tlamo se tekitl ompa  
xikimanaj in tlajkuilolme (.), (.)**

# Xikimpoua in nejtolismej uan xikijuilo kampamoneki in tlajkuiloltla kotonalmej



Kilnamaka  
Uriel kinamaka uajkilitl,  
Úrsula kipaleuiya.  
yejuamej nochí xiuitl kitooka,  
ikayejuaon nochipa kinamaka.

Ayauali  
Ixko in ayauali maliya  
akuanaakamej  
iuax kauan in siuatsiintli Ubalda,  
mojmostla ikasankuel  
kintlamakjneli ikan totokaj  
moxinachoua.



Tlanamakaketl.  
Aurora yaui ne Aueuepan,  
kuikaj uajpacholi kinamakati,  
kuak yomokuepato neli  
kualkouas ayojyoli uan  
ajuaxokotl.

**Xitlajtolti monan kenikki kiposonia kilitl, uan xikijuilo  
ipan moamatlajkuilol tlen mitsilis.**

## Tlajpalolmej

Xikimpoua in tlajpalolmej uan tlaatejuaj tikmatij oksej tlamatli ximonechikokan anmojomememej uan ximotlajpalokan.

panoltitsinok  
nayej.

panoltitsinok  
soolij.

Kenon  
otitlanextili.  
xitimokokoua  
nayej

kuali  
amanintsin kuali  
nikaj uan tejua.

noiki kuali  
nikaj, ya niya mostla  
sepa nikana non panos.

kuali teej  
mostla sepa  
timotaske  
timotlajpaloskej.

Uan motekikniua ximotlakechilika.

- Tlenika anmotlajpaloua
- Onka sejsetlamantlij Tlajpalolmej, uan kikone iuan ueuentsitsinte.

## Xiamapoua uan xitlajkuilo

\* Xikimpantlali kuali in tlajtolmej uan xikinchijchiua tlajtolpamimej.

uaxi



tepetl ipan



Uriel



Kiteki



---

ipitsouan



Aureliana



uejxolomej



kintlamak



---

kuaskej



ikoneuan



uajkilitl



kiposonia



Luisa



---

itempaj



ameyali



akuakuatl




Ubaldose



okitak



Aman nochij xikinnehiko un Tlajtolpamime uan xikajchiua se ueye memilistlajtoyotl. ijlik ajpastli.



# Xikonijto in tlaixpoualistle tlenon nikan onkate

## Kojkonemej

In kojkonemej kuakualtsitsintin ajauilmej,  
kin tlapalotiya uan kintlakentiyaj.  
kokonej kintlajtlakuikiliyaj,  
uan semi kaiyolo kimijijtotiyaj,  
Juanito komonnamaka pan iluimej.

Tlatikneki tiueuentsintis  
xiknemili kuale,  
kualtsin tikajxiltis  
yejua in tonale.

- mamitspaleiu motlamachtijketl, xikimajchiuaka kojkonemej ka tlakomitl nosoj tlamo ika aksej tlajtle.
- Tlayankimajchijke aman xikimijtotika an nochti an mechititis an motlamachtijketl.

# Xikchiua tlenon mitstlajtlaniliya

Xikintemo in tlajtolmej pan in tlajtolnejnepalistle uan xikinyaualtsakua.

A	T	A	O	Y	I	A	N	S	A	E
O	E	I	J	U	I	TL	E	A	O	I
I	A	O	N	A	S	I	A	N	I	M
S	A	J	A	U	I	L	M	E	J	L
TS	L	O	I	N	S	M	O	I	N	S
M	O	S	I	J	TL	E	K	X	S	TL
A	I	O	A	E	N	T	A	O	E	X
K	S	K	O	J	CH	I	T	O	M	O
O	A	I	J	E	A	M	S	E	A	E
M	K	O	J	S	E	M	A	L	O	TL
A	L	N	A	E	I	A	N	O	X	E



**Aman xikintlajtolti mokojkoluan nosotlamo seki tlaka  
me tlenon oksekimej Tlatomilismej nemiliatlajtoyome  
onkate pan mokalpan uan xikimijuilo ipan**

## Xitlajkuilo

Xikimikuilo in tlajtolmej kenon tikimita in tlaixeualmej, uan xikinyeualtsakua on tlajtolmej tlenon kimpiya in tlajkuilole “Jj”



Aman xikijkuilo se nemilstajtoyotl uan xikimana on Tlajtolmej tlakpak kate.

---

---

---


---

---

---


# Xiamapoua

Xikpoua tlajtolmej uan sannojki nauatij, xikimijto uan xikinsalo.



Tlatikua pinole  
maka xitlajto.

Konetl tlakuajtlamatki  
memekatsin pan  
momatsin



Tlatitlakua maka xitlajto  
tlatitlajtoua makaxitlakua

Tlatikinneki motajuan  
maka xikinmaka  
ajmantle.

Xitlajtolti tlamachtijketl seki tlajtolmej uan san  
noikinauati uan xikimijuilo ipan moamatlajkuilol.

- Aman xikintejtemo ixequalme uan xikinteeteki tlenon  
intookaua otikintene uan xikinpepecho itech

## Tlajkuilolpamitl

Nanmechonixpantilis in nauatljajkuilolpamitl, kipiya kaxtole uan yeyi tlajkuilolmej.



atl



ijuitl



olotl



Elena



Kolotl



tototl



Tlen



xomilin



chito

Aman xikintej temoixeualme uan kapeua ika tlajkuiloli un ixeuiali tlakpak katej, xiipepecho itech moamatlakuilol uan xikikuilo itooka.

## Tlajkuilolpomitl

Nikan ontlamij in tlajkuilolmej tlen kipiya nauatlajkuilolpamitl.



Mile



soyatl



petlatl



tsapotl



yetl



nana katl



lamatsin



uixin



ajauilmej

Xikintejtemoixeualmejuanpeuaika tlajkuiloliun  
ixeualme Tlakpak kate, xikimpepecho itech  
moamatlajkuiloluanxikikuilo itooka.

# Tlakuikale

Ximomachtli in tlakuikale uan xitlakuika kejuan kitlakuika  
“Naranja dulce”

## Papalotsintle

Papalotsintle  
nikan tinemi,  
pan in xochtsintle  
tipajpatlantinemi.

Tlatinekiskiya  
sepan matiyakan,  
nejua nimitsuikas  
kampa tlajuiyakan.

In xochitsintle  
nopajpaktika,  
pampa iajuiyaka  
tikijnektika.

Semi mauistik  
in xochitsintle,  
ian kuakualsin  
ajuiyakatsintle.



- Ipan in amochtli xikimtlapalotii in  
xochme, iuan papalomej.

## Tlaneltokilistli

pan mayekan onkate kuakualtsi tsintin papalomej,  
tsitsintin uan uejueyin, uan inistake uejueyin  
tlaotiknamik pan ojtle, makaltenpan, tlajtlen  
tik selis, kijtoua ueuentsitsintin.

uan onkate ka mopachkan tikimixmati nokej  
papalomikemej, noiki onkate uejueyin uan  
tsitsintin, uan uejueyin kemantika katlayoua  
kalaki pan techan, kijtoua ueuentsitsintin  
yaka moteixmatka mikis, oksekimej  
kokolismaka xochitl uan tlakilomej okuiloua.



## **Totoka xikijto**

Kuak tipeuas sna yolik xikijto, kuak yotikajxiui totoka xikijto in tlajtolmalinalmej.

omemej  
omimej  
okintlalijke  
pan kaxitl.

pan kaxitl  
omimej  
okintlalijke  
omemej.

1. Aman se moteki ikni makinemili Tlajtolmalinali.
2. Ximotlatlanikan akino kachi totoka kimijtoua in Tlajtolmalinalmej.
3. Iuan oksekime Tlajtolmalinalme xikintlajtolti motlamachtijketl.

# Xikinmajxilti

Xikinmajxilti in tlajtopamimej, kenon tejua tikijtos kachi kuale mokauas.



ajauilmej



xiuitl



iajauiluan

pajpaktika




kojkostik



Pajpaktikate



Tlajtomej uan ikatitlajxiltis: pajpatikate, sejselik, kim pajpaktiyaj, Juan, Kokonej, xochitl.



## Tlen techixnextiya

Mexko tlali tosepan uaxka tinochtin mexikamej on kuautli,  
pamitl uan tlakui kale kalpan mexika, yejuamej  
techixnextiyaj tinochtin. Yejua teixpantiya tlen kachi  
tiknekij miyek pan in totlaltikpan uan noch tonali tonemilis.




## On mausokokonej

(13 de septiembre de 1847)

Majtlaktli uan yezi tlaxochimako, naui tsontli majtlaktli uan omez empuali uan chikomej xiuitl.

Youejka miyek xuitl on tlamani de Estados Unidos otechkikixtijkej nikan totlal Mexko.

Kuak otechkikixtijke, on mausokokonej okimanauijke Tenochtitlan, momakej uan omikej pan on kaltlamochtili kajki pan Chapoltepetl, pan majtlaktli uan yezi tla xochimako uan naui tsontli majtlaktli uan omez empuaii uan chikomej xiuitl.



## **Teopixki Hidalgo**

Kuak omajkomankej ika. Tenochtitlan pain kaxtoluan sej tlaxochimako naui tsontli uan majtlaktli pouali uan majtlaktli.

Ouejkan in Tokalpaj Tenochtitlán otlakakiyaj itech on maseualmej Kixtiyanomej, Miguel Hidalgo uan oksekimej maseualti tlen kuakon onenkej xokokinejkej matlakakikan in tokniuan intech Kixtiyanojmej, pan on Kaxtol uan setonali metstlij tlaxochimako, Miguel Hidalgo okinnechikoj on maseualmej tlen chantiyaj ipan on kalpa itokaj Dolores. Uan ijko okinyolchikan majkomanke uan ijko opejkej momaa; kanochti omajkomankej pampa xok okinekej makintekipanoltika kej on yolkamej.



## Sempoual Ochpanistli

Ipeualo kuak momiktijke pan in totlaltikpak Mexko.

Pan sepouali tonali ochpanistli ipan nauitsontli uan se kaxtolpouali uan majtlaktli xiutl.

Pan in tlaltikpaktli Mexko, se tlakatl itoka Porfirio Díaz okichin tekuia ueyi, sempouali uan majtlaktli xiuití.

Miyek maseualmej okinemilijke amo yaka maseuali uelis kichiwas tekuia miyek xiuitl.

Francisco I. Madero okipaleujike miyek mexikamaseualmej opejke majmana omajkomanke uan ajmantli omosemoyan, ijkon Porfirio Díaz okikan tekichiuhale uan okiski ocholoj pan in totlal Mexko.



## Tonalilui pantli

Ipan Sempouali uan naui metstli Tlakaxipeualistli, in pantli kiteixpan tiya ipa in totlaltikpan maseualmej. Tlaltikpaktli, on atenmej uan ayaualmej kuakoj Tikijtoua ye on Teixmacho panin Tenochtitla, ipa in Sempouali uan naui tlakaxipeualistli, on maseualmej mexikamej Tiktatlaluikixtiliya pampaj iluij in Toueuuaxkaj pantli.

## **Tlakuikali Tlalpan Mexika**

Mexikamej matiyakan yaoyoka, xiyektlali tepostli uan kauayoj; tlalolini ipan tlajko tlaltikpaktli, san ontla tsinis tepostlatopon.

Anauak tlali timokuaxiuuyotijtok, pakilstli tlen toteko mitsuaxkatij; ipan iluikak mosepan nemilis, toteko ika imajpil kiikuilo.

Tla moketsas se yaotl uan kinekis, motlaltikpak melaauak mitskuilis; xinemili, anauaktsin, iluikaatli, mitsmakate miyekej yaotla kamej.

# TLAJTOLSENTILISTLE

Machiyotl, tlajkuilo le (i)	letra
Tlapoualmej	números
Neluayokuajtoltle (mej)	planta (as)
Moxtle (i)	nube
Ayauitl, apoktle (i)	neblina
Ijpotoktle (i)	vapor
Tlakotoktontle (i)	partes pequeñas
Tlajtolmalinale (i)	trabalenguas
Tlajtolnepalistle (i)	crucigrama
Keketsale (i)	penacho
Nua ichmahiyotl	identidad nahualtl
Tehuantle (i)	raya
Tetehuantle (i)	rayas
Tsatsanile (i)	adivinanza
Tlanejnepalteuantel (i)	cuadriculado
Tlanepalteuantle (i)	equis
Kolotsin	cruz
Chijkkolteuantle (i)	paloma ()
Xikinchijkolteuana	palomear
Santokayotl	sustantivo común
Tokayouaxkamej	sustantivo propio
San noijki kijtosneki	sinónimo
Tlajtolpatilistle (i)	variantes
Tlaixpoualistle (i)	lectura
Tlapoualistle (i)	lección
Chichiualayotl	leche
Xikixua	dibújalo
Xikixkopina	fotografiar, calcar
Tlatomilistle (i)	cuento
Nemilistlajtoyotl	leyenda
Machtontle (i)	sobrino
Nejtolistle (i)	texto

Uejpol	cuñado
Miyekpa	muchas veces
Kauitl	tiempo
Ueyi tepekujka	la montaña
Nauitsin	mi tía
Xitlaatlajto	declamar, discursar
Tleixpojpolojmej	laberinto
Tlajtolnanamikej	rimas
Nopampa	por mí
Kachtopa	primero
Tepostlauile (i)	luz electrica
Uejka tepostlanotsale (i)	teléfono
Tlapajtil xijme	plantas medicinales
Xalkalatl	rana con escamas
Temotl	rana verde
Akuakuatl	zapo
Tenkilijsota	rana pequeña que
anuncia	la lluvia.
Tepetekipanouani	campesino
Kuaj tlaixmanale (i)	mesa
Ikpalitl	asiento
Kandela	vela

COMISIÓN NACIONAL de LIBROS de TEXTO GRATUITOS

